

Kamencz, her Hannus von Kôckericz, her Heynrich von dem Hayn probist czu Mergensterne czu den gecziten, Rul von Blosdorff vogt czu den gecziten und andir bedyrber lute genuck.

## 40.

*Balthasar und Borso Herren von Kamencz verkaufen wiederkäuflich die Hälfte ihres Zolls in der Stadt Kamencz an den dasigen Bürger Nickil Kummer für den Altar, den derselbe seinem Sohne in der Pfarrkirche daselbst gestiftet hat.* 1395 Dec. 13.

*Hdschr.: Or. Perg. Stadtarchiv Kamencz No. 147 mit zwei an Pergamentstreifen hängenden SS. Auf beiden der Adlerflug. 1) S. Balthazar d . . . menz, 2) S. Borse von Kamencz.*

Wir her Balthazar und ich Borse gevettern und hern von Kamencz beken —, 10  
daz wir — in eyne redelichen kouffe vorkouft haben dem erbern manne Nickil Kummer,  
eyn meteburger czu Kamencz, unsern czol halb, den wir haben czu Kamencz in der stat,  
ûm czweyhundirt marc groschen Pragisscher mûncze Polnisscher czal, der uns Nickil  
Kummer gereit bezalt hat. Waz rente und genys dovon gevallen mag, dy sal Nickil  
Kummer anwenden noch syme willen, wy ym daz fûglichen ist, dywile wir denselben 15  
czol nicht wederkeuffen. Ouch sülle wir yn und dy synen dezselden czollis gewern,  
alzo erbisrecht ist. Ouch ab Nickil Kummer ader dy synen icht antrete von dezselden  
czollis wegen, do wölle wir ym alzo getrewlich czu beholfen sin, ab her unser eigen  
were. Ouch habe wir Nickil Kummer leen getan mit craft desis brifis und unser worte,  
vrowen Jutten syner elichen wirtin, her Niclas syme sone, Barbaran syner tochter und 20  
Katherinen syner tochter czu kyntknechtlen und haben yn gelegen gesampte leen, daz  
is von eyne an daz andir sterben sal. Ouch sal Nickil Kummer czu syme teyl dez  
czollis seczen eyne czolner, wer ym vûglichen ist. Ouch wen wir ader unsir erben ader  
erbnemen den vorgeschreben czol wederkeuffen wöllen, so sal yn uns Nickil Kummer  
ader dy synen wedergeben czu keuffene ûm alzo vil geldis, alzo vorgeschreben stet, ane 25  
wederspruch und sullen yn daz vor czu wissen tun vor eyne virteil jaris. Ouch sal der-  
selbe czol bleiben bey dem alter ewielich, den Nickil Kummer gemacht hat syme sone  
in der kirchen czu Kamencz, dywile wir sin nicht wederkeuffen, und welch priester noch  
her Niclas kûmt, dem sin Kummer ader dy synen gûnnen wollen. Daz wir alle dese  
vorgeschrebene rede, kouf und gelôbde stet und ganz halden wöllen in guten trowen 30  
und an arg und an allerleye artikil, dy brife ader hantvesten gebrechen môgen, geistlich  
ader wertlich, daz gelobe wir, vorgeschrebener her Balthazar<sup>a)</sup> und Borse vettern und  
herren von Kamencz, Nickil Kummer alzo eyne sachwalden und alle den sin, dy vor  
geschreben sten. Und dez czu eyner bessern bevestigunge habe wir unser sigill lazen  
hengen an desen kegenbertigen brif, der do gegeben ist noch gotis geburt driczenhundirt 35  
jar in dem vûmf und neunczigisten jare an dem tage der liben juncvrowen sancte Lucie.  
Dez sint geczûg unser vetter her Wiczman von Kamencz czu der Polsnicz gesessen,  
Peter Scheffer burgermeister czu Kamencz czu den cziten, Bartholomeus von Geylnow,  
Caspar von Ponikow, Rûl von Blosdorf, Czasla Kûehenmeister und ander erber lûte gnug.